

Pages vaudoises

Autor(en): **[s.n.]**

Objekttyp: **Group**

Zeitschrift: **L'ami du patois : trimestriel romand**

Band (Jahr): **30 (2003)**

Heft 123

PDF erstellt am: **25.04.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages vaudaises

Pa G 004

La roccliaure cârrolâie.

Fredon dâo tsalet Curial avâi pèsu sa roccliaure. Ne pouâve pllie s'è sovenî yô que l'avâi lâissî. L'ètâi tot ein couson po cein que la Suzy l'avâi dzà fuselyî avoué sè get de vouîpa du que l'ètâi reintrâ à l'ottô aprî la miné. Sta fènnâ ètâi asse retreinta su la borsa et ne volyâve pas atsetâ 'nn' outra roccliaure. Por cllioûre sta maleimparâie noûtron Fredon a décidâ de fère 'nna veriâ per la vela. Aprî que l'usse vesitâ on mouî de cabaret, l'ètâi prâo maffî. Ein sti momeint ,l'a passâ dèvant on motî, et l'è eintrâ por sè setâ onna vouârba et peinsâ à cein que l'a fé lo dzo de dèvant. Quauque reintse pllie lyein l'a yû on hommo qu'avâi deposâ su lo doû d'on ban onna roccliaure tota parâire à la sinna. Âo momeint que Fredon a volyu sè lèvâ por allâ sè l'accaparâ, vâitcé que lo menistro a coumeincî a prèyî son chômo et dèvesâve dâi dyî coumandameint.

Aprî lo prîdzo lo Fredon s'è approutsî dâo prècaut et lâi a de :

- Mon menistro su dobedzî de vo remachâ ,du que y'ètâi tot proûtso de mè dèroutâ et fère on grand pétsî et que pllie tâ y'allâvo lo regretâ. Y'é pèsu ma roccliaure et volyâve robâ stasse à l'hommo qu'ètâi assetâ quauque ban pllie lyein. Ein sti momeint y'é oyu que vo z'âi recitâ lè dyî coumandameint.

Lo menistro repond :

- Oi, l'ètâi ... - Te ne robe pas ton proûtso !

-Na ,na l'è pas cein , l'è quand vo z'âi de :

Te n' accomplirâ pas lo pétsî de bracalyounâ onna vesena. l'è a sti momeint que y'é su , yô que y'é z'u lâissî ma roccliaure hié-r-à- né.

pa084 Souffreince.

Âo dzo de vouâi cein l'è à crâire que falye einvouyî lè
pareint dein dâi z'ècoule à recordâ su lou sexe.

Omeinte ne sèyant pllie rein à sè demandâ quemet que ye
sè sant z'u einmandzî po couerlâ dâi bouïbo asse croûyo.
Vâide-vo pas que la betselye châte rein tant lyein de la gourgne.

<<<

Fâ rein tant bî d'ître ovrâi po lo plliésî de sa fèнна.
Et cein y'é bin yû l'autr'hî quand lo vesin l'îre à
cambelyon su 'n'êtsîla et que l'ètâi otiupâ à plliantâ onna
broquetta po peindre on meriâo. Sa bordzâisa te l'a
eincoradzî ein lâi deseint ;

- Ton martî l'è parâire à la foudra !

- Te di cein pè la mau que mon martalâ l'è rîdo
accouâtî ?

- Que na ! que na ! Tatipotse !

- Dio cein pè la mau que ton martî, quemet l'èludzo,
frappe djamé doû coup à la mîmo pllièce.

- Lè fènnè sant adî à guegnî cein que falye pas.

<<<

Amoû ! amoû quand l'è que te no tin te l'è à nion
seimblyâblyo.

Aprî veint cin z'annâie de mariâdzo lo vesin l'è todzo à
dere à sa fèнна dâi dzeintelyesse. Cein l'è dâi ma bêtse ,
mon pindzon, m'aluvetta et dinse adî dâi mot teindro.

L'amoû l'è bin bî mâ cein l'è lo rassovenî que ne djûve
pe rien tant bin tsî lo vesin. Du que l'a confiâ que l'è bin
dobedzî de lâi mormonnâ dâi nom amâblyo, pè la mau
que l'a âoblyâ co que l'è lo nom veretâblyo de sa
bordzâisa.

S'eimbrellicoquâ de nom l'è pas réson.

<<<<

Pè l'èpetau l'è que lo Renè l'è tot einmaillotâ pè la tîta de landze einsagnolâ. Lo tein l'è rîdo pllîan pllîan et l'èpatalâira que l'a po li de la compachon lâi a dèmandâ - Mouso que vouûtron fènnâ lâi a vo manquâ.

- Lè z'autro coup bin sù ,mâ que m'a bin z'u sti derrâi yâdzô. L'è mèliâo po 'nna fènnâ de clîiôûre lè get du dèvant de terî omeinte l'a onna tchance de bin merî dâi coup que lâi a..

<<<<

À sat de la mâtena, la matsena à dèmatenâ à senaillî tsî lo grô Fernand et sa mâiti lâi s'è einmodâie po lo chômo.

- Se te l'a botsî de ronfliâ, frémo que te vâ quemincî à roncanâ. Bin hirâo lo grô mouî d'èpâo qu'à cein pouésse rêtsappâ..

<<<<

Quand l'è qu'onna dama dusse dein l'administrachon fère lo mîmo ovrâdzô qu'on hommo cein l'è que lâi dusse travaillî doû yâdzô mî et pllîe rîdo po obtenî l'approbachon..

Pè bin hirâo cein l'è rein tant dèfecilo.

Sant râimpô de natoûra, avoué pouî de dzé cein l'è bin cognu. (Lé z'HOMMO)

<<<<

La Piorna, que l'è onna dzein à tsausse, pè la pinta dâi Rouillon ein Correvon lâi a sè pleindre que lâi dusse sè dèmariâ.

- Crayâi-vo que l'è possiblyo d'ître adî avoué onna dzein que bâi quemet 'n'on perte, que foume quemet 'na tsemenâ, que fâ ribote , que s'ein va âi dansâie et qu'aprî s'allâ reduire qu'à reinda lo dzô ?.

- L'è po cein que dusso mè dèmariâ pè la mau que ma fènnâ pu rein mé cein accepta. Poûro monsu !!!

<<<

ION **hommo** dusse ître on **hommo** et cein fère à vère et
ître servî tot tsaud. Surtot quand l'è que demande de
l'îguie tsauda po pllioutsî lè z' eingrevallè, la pier' à îguie
et lo carralâdzo, sein âoblyâ de rècurâ lè z'ègra du dèvant
d'essuvî lè z'èse et d'einmodâ la bûya. pouïro de no !!!

<<<

- Oh Francine quin bî mantî de pâi de bête que te l'a.
Mâ n'a-to rein de pedyî po la pouïra bîta que dusse souffrî
po ton plliésî ?

- Mâ que l'a-to à t'otiupâ de mon épâo.

Po on yâdzo qu'onna fèna peins' à mè !!!

<<<

Sede-vo porquie lè fennè sant asse ballè ?

Cein l'è po que no sèyein à lè z'amâ.

Petadan l'è à crâire que l'è sant on peca bâbi

Oï ! Oï ! bin sû mâ cein l'è quâsu po cein que l'on è

quand mîmo on bocon amâ. Quinna tsance que lâi sant tant pèdelyâose.

<<<

Dein lo musé on freluquet de la hiauta que s'èin crâi et
que vâo sè fère à vère lâi a cretiquâ totè lè palettè .

- L'è quie sti greboullyâdzo ?

- L'è on Burnand.

- Et sti ruque mau dèssinâ ?

- L'è on Erni.

- Et st' horriblyo graffougnî à la fourdze l'è quie ?

- Tsancro de roûtso cein l'è rein qu'on meriâo.

Merda que t'î.

Se cein fu rein de, se fu peinsâ.

<<<<

Po atsetâ onna fanfrelutse po lâo fènnâ lè z'hommo sant a
cein peinsâ quauque yâdzo, mâ que châidre ?

Et tant que ne l'ant rein tant de grôcha cavîlye à sè fère perdounâ l'è bin de mî , de ne pas trôo y comptâ.

Petadan quand mîmo on bî ? dzo. Pâo-t'ître ?

Porquîe pas onna gadzenerî que ne farî rein maucompto.

Mâ rein cein amine quand mîmo la rebreque dâo governemeint

- Tandu dyî z'annâie de mariâdzo te ne m'a rein z'u atsetâ.

- L'è veré camelina.

- Mâ vâi-to te me l'a tot offrî sein z'erdzeint. Balyî tot cein qu'usso fauna po ître bin hirâo avoué te, tot lè dzo et assebin que trétotè lè né et que voudryî-to mè veindre ? Clli qu'a bouna fênâ l'è retso d'on trèssoo.

<<<

Cein l'è dèfecilo à lo crâire mâ l'è possiblyo po onna fênna de sè mariâ avoué on monsu bî, retso, suti et seinsiblyo.

Se l'è que s'è mariâie omeinte quatre yâdzo.

Mauffiâde vo monsu vo n'îte que de passâdzo.

<<<

L'è 'nna grôcha meinterî de dere que lâi a rein de differeince eintremi l'homme et la pronma.

Po cein que la pronma l'a on tieu li.

Cein la meinta qu'on vo lo di : quand à cllique de l'hommo ? ?

<<<

L'è que l'a du allâ tsî lo mâidzo lo Raymond à la Guitta pè la mau que l'îre pas fotu capâblyo de fère on peca d'ovrâdzo pè la carrâie. Salyî lè z' ècovîre, copâ l'herba dâo courti , âo bin reindzî tant sè pou sè babouche. et que l'è po cein que son governemeint te l'a volyu à lo

fère à soignî.

Au bet de la consurte, lo Raymond l'a dèmandâ qu'è-te que y'è po 'na maladi ? L'è mè atteindo à tot.

- Vo z'îte eintserropiondzî mé qu'on râimpô de sorta.

- D' accoo avoué -vo monsu lou mâidzo mâ oreindrâi vo z'ein fauna de trovâ on nom apotiquiéro po cein dere galésameint à ma fènnâ. Que sâ dzâ de quinna maladi que lâi à soffrî.

<<<

Sède-vo porquie lè fènnè betteint, aprî lâr mariâdzo, onna bagua ein oo à lâr z' èpâr ?

Lè po cein qu' omeinte lè z'èpâr l'ant on petioû ôquie que vau quauque tsoûsa.

Treinta doû franc accrotsî âo clloû tsî **ma tanta** bouteca de prètiâr à la Louve.

<<<

On èpâr de sorta l'è clique que lâi a lèva sè pî.

Tandu que foume sa chètse moque, ein bevesseint on verratson du dèvant dâo petioû cârro po que sa fènnâ pouésse reméssa lè mitte dâo biscoûmo que l'a agaffâ.

Oï ! Ein lèveint lè pî l'è sa participachon âi travau mènadzî. Et que l'è pî la soletta. Âidyî no lè z'on lè z'autrè.

<<<

Cein la meinta on vo lo dio ein catsotèrî Dama et Damusalla onna matsena à cartiulâ l'è bin de meillâr qu'on hommo po cein que su la matsena vo pouâide comptâ.

Se la veretâ l'è facilo à vère, l'è pènâblyo à ôûre

<<

Vo z'ein fauna de vo tsouyî èpâosè, du que se l' arrève à voutron bordzâi de consurtâ lo lâivro dâi fotografi de voutron mariâdzo et que l'è à lo guegnî à revertson ein coumeinceint pè lo dèrrâi folyet. L'è rein tant à de bon . Po cein qu'arrevâ à la premîre èmadze de son mariâdzo

l' amerî bin recoulâ oncora on folyet tant qu'âo tein bin
hirâo et à djamé pèsu yô que l'îre oncora gâçon.

L'è onna meinterî que volyâve passâ po 'nna gandoise.

<<<<<<

Tsouyâi-vo !

Se l' erdzeint partadzî sè dècalâ.

Se l'amoû partadzî, parâire à la *rubarbe*
ye crè de mé ein mé.

Cein que l'a de mi l'è de partadzî l'amoû avoué onna
dzein que l'a asse d'erdzeint.

***Quand bin mîmo que l'è l'amoû que l'è lo
mèlião..***

>>>>>>

Dècalâ= diminuer de valeur

Patoi des Ruffiants

Marguerite Longchamp 021 881 13 41

Michel Jaques 021 881 59 81

1041 Bottens



**17 × 49 = ?? — Ça, je ne sais pas. J'aime mieux dessiner
le régent ; fouetté, je le serai comme que comme !**

Amicâla dâi patoisan de Savegnî, Forî
et einveron.

Tenâbllia dâo 28 de djuin 2003 à Forî

L'è pè onna raveu d'einfè que noûtron novî
presideint, Jean-Louis Chaubert, a saluâ 47
patoisan qu'avant pas z'u pouâire dè lâo fère
à cramâ! 16 s'îrant estiusâ. Aprî onna tsantâ-
ïe pè Lè Sansounet, la tenâbllia a ètâ eimbrèyâ
à dè bon. Falyâi sè dècidâ po onna salyâita.
Victor Corthésy a fé 3 proposechon et l'è St-
Ursanne qu'a ètâ chè. Sarâ po lo demîcro 10 de
satteimbro 2003.- Lo presideint l'a lyè lo rap-
poo de Pierre Guex (fro dâo payî) su lo 50 émo
de l'Associachon vaudoise dâi z'ami dâo patois
et l'a bin remachâ lè meimbro de l'Amicâla que
diant adî "preseint!" quand faut âidyî quauque
pâ. - Dama Irène Noverraz, la vèva d'on riére-
presideint de l'Amicâla è nommâïe meimbro hono-
réro avoué dâi fèlicitachon du que l'a prâi sè
90 an. N'ei ora 4 meimbro honoréro que sant
eintre 90 et 100 an, sant : Louise Chollet et
Lucette Décosterd que lo presideint salue, Rey-
nold Richard (on riére-presideint) que por vouâi
sè tin âo frè, et dan Irène Noverraz que guide
onco son tenomobilo! - Lo presideint rappelle
la fîta dâo Rebiolon pè la Savouye lè 30 et 31

d'âoû mâ, cein tsî su la fîta de la truffye
que l'Associachon "Jorat, souviens-toi" pre-
pare à La Ferme des Troncs à Mèzîre. On pào
pas ître pertot! ein on yâdzo!

Su quie n'ein z'u onna galésa eimpartyà fame-
lyîra avoué on bon petit-goutâ quemet de co-
tema. Lo presideint a cllioû la tenâblîia
ein sohiteint tot dè bon à tsacon et... se
possîblyo onna câra de plyodze!

Marie-Louise Goumaz.

Po recafâ

On coo reincontre on autro coo et lâi fâ :

- Sâ-to porquie lâi a rein que lo 30%
dâi fennè que vant âo paradi?
- Na, n'ein sé rein.
- Eh bin, se lâi ein avâi mé, sarâi
l'einfè!!!

Mâ, onna fenna que passâve per lé avâi oyu
la reponsa. Ye di à l'hommo :

- Sède-vo cein qu'on farâ no z'autrè
fennè quand lâi arâ pe min d'hommo
su la terra?
- Na, vretâblîameint na! N'ein sé rein.
- Eh bin! no dresserein on autr'animau
que sarâ à noûtron serviço!

Lo coo l'a pas su cein que falyâi repipâ
et l'a rein appondu!

M.-L.G.
